

國
朝
詞
綜
補

國朝詞綜補卷六

無錫丁紹儀杏舫輯

尤珍

一首

孫朝慶

一首

蔣埴

一首

許承家

一首

黃夢麟

一首

汪鷹

一首

惠潤

一首

董思凝

一首

徐賓

一首
補詞

鄭梁

一首

儲欣

一首

陳鵬年

一首

姚宏緒

一首

曹延懿

四首

諸枚

一首

陳成永

一首

呂履恆 一首

許遂 一首

王台 一首

蔣之達 一首

林鼎復 二首

李嶠瑞 二首

徐念肅 二首

朱霞 二首

鄔景超 一首

佟世思 四首

關仙渠 一首

張遠 一首

周日燦 二首

陳長慶 一首

顧琦坊 一首

金烜 二首
補詞

俞芑 一首

周篁 一首

徐來 二首

李聖芝 一首

許尙質 二首

費文偉 一首

吳梅鼎 二首

曾寬 一首

邱輝德 一首

沈世漢 一首

尤

珍

字謹庸號蒼眉長洲人康熙二十一年進士官贊善有靜嘯詞

蘇幕遮

旅懷次范文正公韻

彩雲天芳草地日暖風輕四野山橫翠春去斜陽花落
水流水飛花都在斜陽外 滯幽歡添別意隱几挑燈
醉則和衣睡六曲闌干誰共倚明月深闈應照相思淚

孫朝慶

字雲門宜興人康熙十八年會試中式二十一年成進士

滿江紅

渡黃河

怒浪如山正急漿黃流爭渡看滾滾來從天上建瓴東
注手挽狂瀾原不易石填大海終何補最堪憐斷岸泣
遺黎悲難訴待議濬茫無路待議塞渾無緒問年來
誰是濟川才具細雨綿袍全溼透斜風破帽驚吹去慙
艱辛猶自喜身閒同鷗鷺

蔣

埴

字肅齋長洲人順治十八年會試中式
康熙二十四年成進士官樂清知縣

沁園春

送友運木入都

賦罷驪歌捧檄星馳呈材上方憶鶯花管領詩成政暇
蠶桑課最事爲民忙刻曲清溪菰城碧浪一勺廉泉祇
自嘗關情處正筵開櫻筍錢共春光何須控勒飛繯

溯千里河流直渡黃
縱高歌燕市君輸吏
隱探奇雁客
我愧文狂去馬來
牛南鴻北雁莫向郵亭問路長
歸期約看潮平岸濶舟泛錢塘

許承家

字師六江都人康熙二十四年進士官編修

水龍吟

送丁飛濤歸武林

故人萬里歸來東山寺裏挑燈語紛紛塞馬茫茫槐蟻
飄飄風絮不飲如何會須作達舊繁華處奈白公亭子
三生石上又早促輕舸去
回憶燕支戰壘儘銷魂撫
今弔古此行重認扁舟明月大江春樹京口神鴉吳門
匹練片帆飛渡更相期握手錢塘秋夜看胥潮怒

黃夢麟

字硯芝溧陽人康熙二十四年進士官中允

一枝花

花朝狄立人甲園讌集用袁去華體

好景過纔半。庭院香飛滿。浴紅芳暗裏。歲華換。問誰主
東風。漫把陽和扇。更約登臨伴。看取朱闌。倒映澄溪零
亂。聽樹頭鶯聲新睨睨。柳拂斜陽岸。更峭石、雲橫斷。
借杯影波光。勾引花枝顫。情方款。百罰休辭。待倚醉、分
題灑翰。

汪膺

字元御吳縣人康熙二十六年舉人

浣溪紗

苦雨

潤草摧花黯未休。綠漪新漲赤鱗浮。柳棉欲下不成毬。

樓
飛沫捲珠過水面溼煙似霧上雲頭更無興緒強登

惠

潤

字沛蒼江陰人康熙二十七年進士

臨江仙

江上別蔣京少

憶昔長安三月暮剛逢勝友如雲一杯別酒灑青門御
溝流水滿人去夕陽村此日芙蓉還共採相將倚徧
斜曛浮螺數點隔江分秋容清似鏡重與照離尊

董思凝

字養齋平原人康熙二十七年進士官觀察使

南歌子

苦調青衫溼新聲白雪傳當筵休負好觥船試聽明珠

一串滾來圓 香夢迷胡蝶歸心繫杜鵑天台有伴早
求仙依舊桃花流水似當年

徐賓

字虞門江蘇華亭人康熙二十年進士官給事中有芝雲堂詞

南歌子

昨夜桃飛雨今朝柳孕綿曉風不捲綠珠簾又是亂鶯啼處惱人眼
衣蝶三重掩鬢鴉一半偏來看女伴戲
秋千驀地一番閒恨入眉尖

鄭梁

字禹梅號寒村慈溪人康熙二十七年進士官高州知府

謁金門

春倦了愁煞笑花歌鳥晝永人閒情緒少遊絲簾外裊

可奈鱗沈雁杳。惱煞萋萋芳草。且把金針拈又倒。羅衣寒料峭。

儲

欣

字同人宜興人康熙二十九年舉人

滿江紅

悼亡

一別於今問何處魂兮飄泊。又早是殘年急景。天寒木落。皓月當頭。還似昔空房。越覺增蕭索。儻歸來蝶夢不曾迷。仍香閣。井臼事誰操作。冷暖語空沈。著恨千秋。彤管慣遺貧。薄永夜沈沈。憎玉漏。總饒漏短人非。昨也幾回擬把痛懷收。難忘卻。

陳鵬年

字北溟號滄洲湘潭人康熙三十年進士官河道總督諡勤恪有喝月詞

浪淘沙

寒夜同石千一對酒作

殘月轉新晴夜靜寒生霜花如雨撲簾旌最是高堂今
夕夢暗數歸程無計破愁城驀地心驚十年宦海竟
何成縱使圍鑪還對酒到底淒清

姚宏緒

字起陶婁縣人康熙三十年進士官編修有寶善堂詞

鵲橋仙

雙星對繫一天各野最是無情銀漢年年夜夜互西東
盼不到有時清淺橋聯鵲翅笛橫牛背隱隱似來波
面卻愁舊恨未全消怕明日又添新怨

曹延懿

字咸九太倉人康熙三十年進士有蘧庵詞

踏莎行

巫山神女祠

翠荔牽風紅蕉滴露空祠寂寞人何處
銖衣瓊佩對斜陽
畫梁蝙蝠頻來去
一翦星眸盈盈不語憑他杜宇
啼深樹算來只有過江雲陽臺飛去還行雨

水龍吟

煙和周冀微韻

一堤疎樹迷離亂鶯啼徹春初曉
青山半掩綠波深鎖
恨牽芳草冷被風欺溼
因雨重幾回徐裊看溟濛一片
傍梅遮柳花落也知多少
咫尺輕綃隔了但緣溪人
聲悄悄鶴夢將闌鷗眠正穩
重重旋繞碧散平橋白連
曲岸呼童難掃更日邊雲淨
未央鐘動望中縹緲

金縷曲

送吳上游北行次辛稼軒韻

行矣何須說嘆塵埃伊誰物色南陽龐葛十載蓬蒿貧
且病難覓仙家絳雪看種種漸添華髮閒卻少年羅綺
夢聽簫聲吹斷秦樓月誰把酒共鳴瑟壯心未已重
言別望斗閒熊熊劍氣暫分終合投筆請纓男子事肯
負封侯俊骨但攜手河梁悽絕芳草綠波春正好理征
衫醉跨連錢鐵三疊唱寸心裂

青玉案

綠楊池畔廉纖雨。鎮獨坐空齋暮。悵望青鸞天外去。芭
蕉初展丁香暗結心事憑誰語。盈盈咫尺銀河渡。身

恨乏凌風羽。空寫碧雲腸。斷句玉鑪香。燼金荷燈。倦
撫秦箏柱。

諸枚

字卜臣無錫人康熙三十
二年舉人官嘉定教諭

行香子

人在梁溪。家在西溪。綠陰濃紫燕黃鸝。宜晴宜雨。樓閣
參差。有靜時琴。閒時史。悶時棋。城與山齊。樹與樓齊。
喜春來。花影迷離。夕陽人語。難畫難題。正鳥聲和。茶聲
沸。笑聲低。

陳成永

字元明海甯人康熙三十
三年進士官庶吉士

夜行船

客思

夜半春潮催客去。挂東風、一帆微雨。犬吠疎籬，鳥啼深巷。多少蒼涼煙樹。岸轉溪回，行復住。倚篷窗、暗傷離緒。野渡雲迷，前山月黯，回首故園何處。

呂履恆

字元素，新安人。康熙三十三年進士，官戶部侍郎。有《夢月巖集》附詞。

鳳凰臺上憶吹簫

殘雨鐘聲曉，風雞唱和衣。支枕無眠，念三千里外，二十年前安坐。南柯舊郡，誰識是夢裏，因緣消受。盡無情歲月，有恨山川。堪憐般般情緒，更點點啼痕，寸寸愁牽。望鳳樓明月，鶴市寒煙，縹緲三山。何處總輸與，憎懂神仙。空留得妝臺玉鏡，夜還圓。

許

遂

字揚雲番禺人康熙三十六年舉人官清河知縣有真吾閣集

臨江仙

用晏幾道體

弱柳含煙凝翠天
桃映日垂紅惱人
春色萬千重有情
樓獨倚無語鏡臨空
錦字頻勞鴻雁朱門深鎖芙蓉
相思聊寄七絃中
何時阿閣裏雙宿鳳凰同

王

令

字仲錫渭南人官布政司參議

南鄉子

月色滿庭梧落葉蕭蕭聽有無
應是空房簾未捲模糊
雨點蛩聲問小奴
獨自展鴛襦爭奈香消影又孤
擬向花陰尋繡伴
躊躇卻怪羅敷自有夫

蔣之達

字雲九長洲人諸生官知縣有佚圃詞

迎春樂

送臘詞分賦春聯

辛盤薦罷人微醉。看指拂、凌雲氣。倚雙行、椽燭搖紅膩。把十樣、桃箋試。儷句摘、玉臺佳麗。法書做、蘭亭迥媚。何處紗籠前導。又索宜春字。

林鼎復

字天友侯官人官通判

滿庭芳

春杪同人汎舟西溪歸飲南澗山房

綠樹陰濃白蘋水暖新晴煙景波涵移來小艇撥棹詣荆南陶寫何須絲竹素心侶妙縱諧談閒指點荒涼臺榭梁燕尙呢喃。當年歌舞地雲消霧散澗槐林慚且

褰裳空翠躡屐名藍欲拜峰頭片石斜陽逼聯騎歸驂
重聽取清歌一曲落筆興方酣

李嶂瑞

字蒼存盱眙人貢生官唐邑知縣有後圃詞

釵頭鳳

枝頭萼。巢邊雀。韶光滿眼傷離索。舒紅袖。拈紅豆。眉峯
正是愁來時候。皺。皺。皺。垂風幙。懸風鐸。江頭羅。噴心
情惡。聽春漏。挨春晝。腰圍休問。可還如舊。瘦。瘦。瘦。

蝶戀花

寒食

綠柳輕狂紅杏嫵。天氣暄和芳草熏。亭午禁火又當逢。
百五誰憐眼底春如許。新燕銜泥池上舞。似識愁人

國朝詩林卷之二
逕入珠簾語正是魂銷難遣處黃昏幾點摧花雨

徐念肅

字羽庭婁縣人官山西運判有葦階堂詞

清平樂

無端懊惱只是傷懷抱風信花期都草草贏得鶯喉漸
老小窗檢點新詩閒愁未許人知暗覺帶圍寬盡那
堪又著相思

唐多令

春色沒安排珠簾漾碧苔。恨頻番花信沈埋。鏡匣塵封
眉暗鎖。從別後。幾曾開。孤影傍妝臺。傷心紫玉釵。恨
東風。惱亂情懷。梁上呢喃雙燕子。飛去也。又重來。

朱

霞

字晴初，婺縣人。貢生，官訓導。

粉蝶兒慢

籠中五色蝶翅廣四五寸，容自粵中攜至。

錯采衣鮮，銷金袖闊。萬里天南常見。阿誰攜挈至，正吳天春晚。筠竹編籠，勤護持。底事雙眉絲卷。算纖腰、任輕盈。甚日凌風舒展。困倦羅浮夢遠。想芳魂、還繞木綿花畔。香閨傳玩處，莫驚他團扇。添得勝王新樣好。費壓幾多金線。只憐伊、隻影淒清，並飛還欠。

鄔景超

字未詳，婁縣人。從征臺灣，鄭氏積功，官左都督。有光霽樓詞。

八聲甘州

閩南記捷

記仙霞秋盡出關時。寒月照征袍。聽巖城畫角，悲風四

起戰騎初騎鐵甲三更暗度猛士氣全鼻飲馬鯨鯢窟
浪濺弓刀細柳營開列壁正軍驚韓范將說嫖姚擬
投鞭徑渡勢竭海南潮誓指日妖氛淨掃笑終朝颯鼠
技潛消看捷奏三軍樂賀凱唱還朝

佟世思

字儼若奉天人官思恩
知縣有與梅堂集附詞

眼兒媚

柳絲撩亂舞風柔。幽怨在高樓。最難忘是燈前倩影。簾
下歌喉。春來底事。恹恹病。長夜冷如秋。一腔心事未
拋舊恨。又惹新愁。

燕歸梁

檻外風來花氣幽。閒倚樓頭。一番離恨。一番愁。春過也。
又迎秋。這般憔悴如何好。總不若早歸休。黃昏人靜。
月如鉤。剛憶著。去年遊。

柳梢青

粉褪脂零。新來憔悴。總爲多情宿酒。將醒柔腸。欲斷歡
夢難成。東風催送行旌。斜陽外。車聲馬聲。漠漠遙山。
茫茫去路。處處心驚。

慶清朝

荆州孫烈婦。適周某。明末周死。流寇孫亦
觸樞死。詞以弔之。

雪壓荒城。雲昏曲巷。傳來舊事堪傷。雙雙穉燕。正爾棲
穩雕梁。不道老鴉百萬。燕然飛啄到荆襄。只一霎。棟傾

巢覆。隻影淒涼。欲問鬼雄何處。痛楓林月黑。白骨如
霜。盛來碧血。差幸未飽豺狼。又見鏡中鸞隕。猩紅一片
濺黃腸。爭誇說。螺磯遺澤。千載猶芳。

關仙渠

字過庭仁和人
諸生官訓導

滿庭芳

偕友人豐臺看芍藥

紫陌塵輕青疇雨潤。花風吹過。酴醾爭芳。鬪豔千畝。種
交畦冉冉綠雲。一片遙望處。五色迷離。憑誰倩。數聲羯
鼓。催起翠鬟低。芳菲應不讓。揚州曩日。金帶稱奇。借
閒亭曲砌。接席分題。更把金尊頻倒。忘歸去。日已銜西
他鄉地勝。遊能幾休。惜醉如泥。

張

遠

字超然侯官人康熙三十八年舉人官祿豐知縣有無悶堂集

鷓鴣天

徑僻居然似漢西
一椽斜抱浣花溪
庭籠高樹重重暗
簷湊新篁恰恰齊
窗樣小塔痕低
嬌鶯穿柳燕尋泥
簾清几滑敲棋冷
竹裏斑鳩自在啼

周日燦

字燦子東莞人諸生以軍功官知縣有雲園詩稿附詞

清平樂

悶人天氣綺閣晨初起
一片閒情何處寄
且把博山重理
輕煙繚繞疎簾殷勤沈麝頻添
莫道清芬易散
氤氳透入牙籤

西江月 揚州

廿四橋頭鳳管三千殿腳龍舟隋家天子號無愁楊柳
青青在否 寂寂螢飛廢苑盈盈月照邦溝竹西歌吹
暮雲收往事但憑盃酒

陳長慶

字其白宜興人官知縣

解蹀躞

題曹南畊杲亭

一幅倪迂圖本譜作蕭齋境居然位置溪山帶三徑斷
礀絡以斜橋竹閒結就方亭最宜朝景更娟淨當戶
危坡仄磴參差見梅嶺行來剛好臨流共清影何必遠
水遙岑憑君踞石攀梧儘饒幽靚

顧琦芳

字聞西嘉興人官縣丞

虞美人

夏日晚步

池塘處處鳴蛙鼓雨散天將暮小鶯啼溼綠陰中明滅
亂流千頃夕陽紅 炊煙樹裏人家出釣艇溪頭入畫
橋斜對是高樓忽地有人和笑下簾鉤

金

娘

字雪岫山陰人貢生官訓導有綺霞詞

金縷曲

元夕張氏宅觀燈

元夜笙歌按正高堂華燈交射初開佳宴綵結鰲山燃
豹髓火鳳金羊爭豔盡道是侯門新見簷角梅花風乍
定恍星搖電徙雙眸眩齊掩映絳河淺 西園公子柑

傳徧看彼此酒酣耳熱觥籌錯亂蠟淚頻飄香穗燼尙
勸重傾金盃更誰念月如歌扇五夜金吾曾不禁任主
人送客留髡倦且莫問麗譙箭

笛家

渡揚子江

沙草拖青汀蘆凝白秋江波靜扁舟擊楫中流半兼天
水勢動地濤聲荆吳九派人家兩岸西接南徐東連北
固一片征帆亂佛狸祠武帝宅不禁感傷目斷望遠
秣陵形勝金山落日瓜步洲前鐵甕悲風石頭城畔回
念昔日雄姿毅魄都逐浪飛蓬捲三月鶯花六朝佳麗
多少浮雲幻空凝睇對蒼茫早聽塞鴻聲喚

俞 芑

字正禾
長洲人

瑞鶴仙

初秋桐溪草堂觀驟雨作

亂雲拖雨腳。看噴水玉龍。明明頭角。洪濤望空作。訝銀

潢倒瀉。五丁疏鑿。波添一箭。

農諺春雪一
箭夏雨一尺

又斜陽來穿

簾幙。被梧桐。點滴還留。慢慢隨風吹落。

漂泊孤踪誰

念。旅思紛紜。客懷蕭索。小窗晚酌。新涼至。素紉卻。向牆

陰細聽。蛩聲最苦。頓覺袂單衣薄。問今宵。輾轉匡牀。幾

更睡著。

周 篁

字林於號鷗塘嘉
興人有金閭旅草

南鄉子

寄青士弟

負郭已無田結客吟詩憶汝賢長向石湖南首望淒然
不見孤帆落暮煙八月看潮天酒氣鬢香散綺筵送
我武原城外別三年始得平安兩字傳

徐

來

字子復廬城人
有一曲灘詞

如夢令

落葉

慘綠愁黃初隕窗外霜催陣陣槭槭復蕭蕭送到愁人
孤枕難定難定風掃一階秋影

鳳凰臺上憶吹簫

老尼故宮女也

自翦雲鬢常翻貝葉賜衣裁作緇衣憶盛年嬌選曾侍
宮幃傳演新聲法曲官家醉舞袖猶垂誰知道金甌駮

碎翠羽驚飛 堪悲舊時女伴已玉折蘭摧身獨無歸
問臨春結綺人事都非賸向空門託足焚香坐靜息心
機蒲團上還應夢見椒殿香微

李聖芝

字秋生
婁縣人

金縷曲

借友人項園看牡丹和韻

雲樹迷春野耐柔腸支吾詩酒又逢初夏我輩棲遲猶
不字笑此花枝欲嫁早一望風光如畫未免天涯增感
慨況臨邛游倦無車馬青衫淚夕陽下 人閒豈有魚
龍化但相逢悲歌沈醉送春歸也多少江南王謝宅賸
此烏衣亭榭縱畫永心如長夜酒半歌樓聞弄笛念飄

唐詩言苑卷之一
三
零我是無家者，茫茫事向誰話。

許尙質

字又文，會稽人，諱生，有釀川集附詞。

生查子

目送斷橋邊，不住香車去。隔岸小紅樓，莫是人來處。
樓上合歡花，樓下相思樹。花樹兩無情，也解黏飛絮。

揚州慢

三月煙花，十年春夢，計程又到揚州。看平岡暝色，繞一帶荒溝。尙來往，香車似織，夜深燈火，低照青樓。聽何人、吹徹瓊簫，添入閒愁。
記牽錦纜，忽須臾，雲散風流。儘廿四橋邊，三千殿腳，難駐宸游。不見玉鉤斜畔，淒涼剩。

缺月沈鈞。只楊花依舊。年年飄泊江頭。

費文偉

字璋次
桐城人

沁園春

輓蔡少君女蘿少君爲冒巢民先生姬人
嫺繪事畫鳳尤工

初日芙蓉是耶非耶文姬後身甚同功繭就情絲驟斷
傳言鳥去密意難申烈焰宵騰霜刀電閃應變羣推智

絕倫尤堪敬是血濡皓腕病起衰親

曾封肱救父並智
脫先生於盜火中

尤人所
難也

彩雲容易成塵悵荏苒韶華四十春賸染殘

柔翰鳳鸞留影扣來響板鸚鵡吞聲潔比寒梅清於秋
水遺掛翩然擬洛神三生誓只青天碧海腸斷安仁

吳梅鼎

原名雲字天篆宜
興人有醉墨詞

醉鄉春

嘗盡別離滋味醉倒豔陽天氣人纔去燕偏歸今夜怎
生得睡 飛出畫簷成對翦得春光粉碎楊柳岸杏花
村雨中一點香泥墜

多麗

炙硯

買香醪石田半畝先澆舊朋儕寒來疎嬾只伊常伴昏
朝試龍賓雲生膚寸濡兔穎花落秋濤瓦說雀壺品珍
鷗眼文河蚪蚪欲隨潮忽報道霜飛地坼墨海凍蒼蛟
詩成處立珠欲滴何計揮毫 未能拋藥鑪餘焰偏宜
借熱相邀總輸他金壺注汁應由我獸炭融膏一氣呵

來千言寫盡長吟短咏十分豪還須避浮塵點流宿瀟
玷瓊瑤誰親捧盈盈粉腕小襯紅綃

曾

寬

字壺庵
豐城人

眼兒媚

春日偕友游將樂玉華洞

靈巖劈鑿自何年遊興屢相牽一溪芳草半灣流水十
里晴煙 蒼蒼石骨何清峭無處不堪憐山顛明月林
閒雲氣洞裏真仙

邱輝德

字則字將
樂人諸生

一斛珠

游玉華洞

雲樓霧閣玲瓏百竅誰開鑿維摩畫裏無由索倚石遙

聽何處響寒籟 恍疑月照青山角 天光一線巖端落
塵襟更向前溪濯 人語斜陽秋氣滿 寥廓

沈世潢

字茂宏 吳江人 諸生

減字木蘭花

秋夜夢爛溪別業

一枝曾寄七十二溪深處是秋夜迢迢重認當年舊板
橋 西風瀾漫月落煙迷秋夢斷 覺後依稀只見蘆花
滿釣磯

國朝詞綜補卷七

無錫丁紹儀杏舫輯

吳景斌 一首

茅麟 一首

查容 二首

孫鯉 一首

董漢策 一首

賁琮 一首

閔榮 一首

徐璣 一首

陳晉明 一首

姜光被 一首

曹士順 一首

陸樹駿 一首

陳鶴翔 一首

吳應聘 一首

錢煥 三首

孫引之 一首

曹湖一首

吳淵一首

柳葵一首

姜啟一首

丁裔沆一首

鄒顯吉一首

魏憲一首

程麟德一首

繆泳一首

吳應蓮一首

陳鈇一首

錢永基一首

朱爾邁一首

顧文淵一首

俞瑒一首

蔡燿一首

汪文楨一首

過羽宸一首

黃鴻一首

俞蘭碩一首

吳秉鈞

二首
補詞

聶鼎元

一首

施樟

一首

陳魯得

一首

陸如昭

一首

梅洽

一首

柯煥

一首

吳景斌

字雲舉
錢塘人

蘇幕遮

竹窗幽荷沼淺霜葉紛飛籬落堆教滿才送春歸愁未
減又是秋來愁緒如何遣 雨瀟瀟風翦翦啾啾寒蛩
偏繞淒涼館盼盡歸鴻音信斷儂自多情不信伊情短

茅

麟字天石
歸安人

沁園春

卻悔頻年汲汲棲棲南西北東想層巖秀冶仙溪一曲
孤村疎曠茅屋三弓少不如人饑來驅我孤負亭前菊
與松家何在在伯通廡下杜宇聲中 追思花影千重
忽夢入巫山十二峯奈纔離分水不聞香豔再來合浦
已失春容笑隱芙蓉書緘荳蔻贏得如今賦惱公歸來
好任溪雲變幻山雨空濛

查

容

字韜荒海甯
人有浣花詞

春雲怨

懷舊寄粵東數子

紅梅小驛記五羊城外穿花雙屐把手纔通名姓觴詠

孫鼓陳
可應香
何樓控
二而為可

國正此
不待
日不志

不知
九既南
衣

不知
桂北
行

不知
金
行

不知
官
時

不知
漸
長

不知
長
秋

不知
地
見

不知
更
何
人

不知
可
知
矣

流連如舊識。翠袖藏鈎。平頭搖扇。共指銀蟾。牆側殘
拍逡巡。歸鞍酩酊。蠟淚滿離席。三姝座上。真奇絕。縱
年深路遠。前塵歷歷。對酒猶疑照顏色。橫浦樓船。折盡
南枝。斷無消息。舊雨淋浪。曉星零落。不喚奈何不得。

六醜 有憶

記亭亭畫舸。似有意。窺簾端正。雁齒橋南。魚鱗春浪。翻
兩槳相並。問箇儂何處。旁人不覺。已暗通名姓。柳絲牆
角。東風定。燕子初來。獼兒未醒。凝眸一聲先請。漸凌波
素襪。陪往香徑。闌干閒凭。甚輕寒。做暝。昵趁紅篝暖。
添香餅。憐他半懶。情性漫垂肩。鞞袖鬢雲纔整。年年是。

慣愁多病。更懊惱落拓江湖小杜。舊時光景。雙蛾斂板。歇杯騰把鈿釵撥。向鑪灰裏書成薄倖。

孫

鯉字伯琴里居未詳

沁園春

薙草

閉戶無營野草迷。離青青晝長。每花閒行。藥愁偏繞膝。閒來敲枕勢欲支。牀徑阻羊求園荒。松菊隔院難招筭。過牆還堪笑笑。鼓吹兩部燈下潛藏。蟲蛇逼處宜防。趁雨後腰鎌逐小涼。喜當門盡翦翠通雙屐。深林略掃綠斷迴塘。生面重開舊游堪續。獨樹風清。沸曉蟬無人際。儘經行不厭一片苔蒼。

董漢策

字帷儒烏
程人諸生

玉樓春

雨絲收盡春雲闊
燕舞晴空花氣活
朝來晏坐小窗寒
天外青山剛一抹
三眠柳醉春風滑
恰似佳人方二
八畫長無事愛春光
更愛朦朧春夜月

賁

字黃理
如皋人

散餘霞
晚抵羊流店

小樓煙鎖空村靜
駐馬尋芳徑
花影爭趁斜陽鬧
蜂兒不定
殘春客衾尙冷
蕢酒消孤悶
醉想叔子風流且
憑闌高詠

閔

榮

字湘傳德清人諸生有缶笑集附詞

浪淘沙

鶯語隔簾櫳一笑相逢含羞曾記粉腮紅行過長廊頻
卻步月影朦朧離恨正無窮款語喁喁高唐驚散五
更鐘蘭麝未消鴛枕暖去也匆匆

徐璣

虞美人

粉紅樓子高三丈內有琵琶響鬆絃換柱做悠揚訴盡
別時絮語可憐腸何須司馬江邊舫老大同悽愴卽
今游俠少年場聽了無端半晌立斜陽

陳晉明

字康侯
錢塘人

眼兒媚

爲朱十竹垞題煙雨歸耕圖

何處堪營小柴扉擬覓綠蓑衣
盡焚筆硯不拈書史只
把鋤犁 幾回相見空相惜
心事兩依依圖中紙上添
儂相伴與子同歸

姜光被

字載錫
仁和人

浣溪紗

十二峯前是妾家青牆宛轉曲
闌斜暖風時放小桃花
樓外朝雲疑夢裏門前春草
接天涯妝成獨自浣溪

紗

曹士順

字九江
南匯人

百字令

題貫芬得得龕

一泉一石更一花一草一庭一榭小試經綸聊部署涉
徧春夏秋冬夏抱膝微吟掉頭長嘯自足供陶寫汪汪千
頃此中得已多者因笑魏國銅臺河陽金谷歌舞連
晨夜瞥眼繁華癡作計賸付漁樵閒話誰是淵明與他
摩詰天地留詩畫君俱入手此中得更多也

陸樹駿

字與里居
均未詳

點絳脣

紅蓼灣深半篙水浸漁磯綠客來不速雨過山如沐

楓葉橋邊漸漸霜
風肅村醪熟
一杯相屬莫負東籬菊

陳鶴翔

字聞臬江蘇華亭人諸生

鵲橋仙

並頭蘭

休誇聯袂不須並枕
別具芳姿婀娜
深閨姊妹晚妝餘
看一樣雲鬟斜髻
玉階露冷銀河風靜
比似雙星差
可年年獨處
廣寒宮應暗笑
姮娥計左

吳應聘

字賓于崇安人貢生

多麗

武夷懷古

好秋天青山處處鳴蟬
憶當時慢亭高宴
於今蔓草荒煙
幽湖底泉流碎玉
懸崖畔瀑響哀絃
禮斗壇空昇真

洞杳寂無鶴唳與啼鶻問朱子書堂何在憑弔一淒然
倒不若禪關羽院客尙留連 是何人藏舟絕巘幾經
谷變陵遷仰大王雄風未墜看玉女秀色堪憐鐵笛停
吹金雞罷唱虹橋飛駕碧雲邊空留得葯鑪丹鼎傳說
已千年移短棹浩歌一曲漫擬懷仙

錢

璠字愚谷嘉善人諸生有息深齋詞

相見歡

無言獨倚危闌怯輕寒檢點東風衣袂淚痕殘春悄
悄花裊裊路漫漫目斷楚雲天遠恨重巒

眼兒媚

輕寒漠漠到西樓。做出楚天秋。紅消蓮粉，黑飄菰米，白上蘆洲。
朝來滿目蒼涼甚，易惹是新愁。半規殘月一聲羌笛，幾點閒鷗。

蘭陵王

秋感

看叢薄，槭槭丹楓亂落。斜陽外，衰草黏天，萬疊寒雲壓山郭。蕭疎意味惡。頓覺腰圍瘦削。憑闌久，淚溼青衫，又聽秋聲到簾幙。
三春記行樂，有燕子鶯兒，綠柳紅葍。芳菲徧眼，嬌相角。漸玉樹凋謝，金英催換。啼鴉斜照，滿寥廓。細思但如昨。
寂寞感離索。甚董子窺園，揚子投閣。人生萬事，渾難度。有野店村酒，儘堪沽酌。浩歌歸去。

漫拔劍把地斫。

孫引之

字綬祿
武進人

百字令

題蔣京少梧月詞時京少將遊山左

諸公袞袞問妙年賦手誰先旗鼓不道柔情風絮似偏
解斬蛟射虎逐恨香塵斷腸煙雨此事卿何苦一吟拍
手再吟狂叫起舞還憶小宋當年曲江題罷彼此期
千古只少紅兒推半臂金縷銀箏共譜醉後鶯花醒來
梧月添得清新句驅車泰岱煙雲衣被鄒魯

曹

湖字二隱武進人
有奈香亭詞

菩薩蠻

月明不怕珠簾礙半牀花影和衣睡夢去復何爲覺來
雙淚垂 繡帷春未曉鶯語紗窗小且莫怨東風殘花
一半紅

吳

淵

字玉溪
宜興人

虞美人

手垂雙釧釵橫玉年小風流足苧蘿春暖有誰知獨自
燈前月下與花時 修眉未畫天生遠波眼盈盈轉含
羞不慣立人前解得相思凝睇只無言

柳

葵

字靖公錢塘
人有餘清詞

蝶戀花

愁共春來春不語，愁住眉端春竟飄。然去可惜棠梨花，
滿樹任他片片隨風舞。百尺游絲難縮住，杜宇無情
更有無情雨。悵望平蕪深幾許，和煙鋪就春歸路。

姜

啟字開先
會稽人

山花子

寒氣侵簾怕上鉤，金瓶香凍百花油。試拂鏡奩依舊似，
一泓秋。宿酒已消雙靨暈，新螺偏感兩眉愁。欲折蠟
梅呼婢子，下紅樓。

丁裔沆

字函巨嘉善人諸
生有香湖草堂詞

錦纏道

蘭翦紅芽。蝶翅漸迷香徑。綺窗橫。杏花疎影。謝家別墅。
棋聲靜。簾外春山。山畔浮煙艇。共仙侶登臨。晴花半
嶺。翠鬟敬。鴉黃未整。聽幽禽相喚。提壺去。東山深處。萬
壑松風冷。

鄒顯吉

字黎眉
無錫人

望海潮

題來青閣

暖風遲日。五侯池館。帽簷欹側頻遊。金雀翠鬟。文犀斜
領。一行齊上簾鉤。著處總溫柔。記烏絲醉染。矚付親收。
屈指重來。今生不擬負風流。十年空敝貂裘。早高梧
葉落。只索歸休。蛛網冒簷。燕泥浣座。更誰同倚妝樓。暝

色不勝愁。歎篆香心字。灰冷難留。試覓題箋。淚痕還染。佩囊不。

魏

憲

字惟度
晉江人

水調歌頭 憶金陵

白下舊遊地。燕子浪掀天。秦淮花柳如霧。綺閣鬪雲妍。
盡日笙歌盈耳。人在醉鄉深處。終夜抱琴眠。豈意蔣山
樹。衰颯繞寒煙。渡揚子。登北固。思悠然。金焦影裏。江
月依舊向人圓。浮玉門前。留帶瘞鶴江濱。埋石佳話憶
當年。空有後庭曲。流恨入新絃。

程麟德

字介彰歙縣
人有需堂詞

摸魚兒 蘆花

記年時圓沙淺水芳洲一抹煙黛荻芽短爆鸚哥嘴倏
爾霜凝碧海君休怪待送客潯陽好與丹楓賽卻愁風
快把落泊浮踪離披殘夢吹向楚天外 輕盈態錯道
雪花飄灑漁人醉笠初解昨來帆櫓凌波渡千點浪頭
同拜江九派又認是細篩碧月鋪銀界水流雲在笑暖
被溫衣幾回相聚柳絮絮恁無奈

繆

泳

字天自嘉興
人有南溪詞

百字令

錫鬯太史繪竹垞圖索題率賦是解

梅花村市愛南鄰佳處初經卜築舊徑蓬蒿纔翦罷添

得短垣修竹近渚菰蒲傍門槐柳交映清溪曲曝書亭
子更饒荷芰芬馥况有檻外諸山望中煙靄指點遙
峯六把酒高吟無一事但貯牙籤萬軸畫手爭傳輞川
名勝展玩開心目今朝重到居然身在巖谷

吳應蓮

字藻湘休甯人諸生

搗練子

秋露冷晚風清獨倚闌干對月明寶篆香消人未寢閒
愁先向枕旁生

祝英臺近

塞鴻飛江燕去秋色正悽惋惆悵無端一幅翠箋展縱

教開府書愁。醴陵賦恨。怎寫盡寸腸千轉。漢皋遠。幾
回悄步西園。凝望暮山畔。多厭前番雲樹苦遮斷。祇今
紅蓼花疎。白雲天闊。何處更安排心眼。

陳

鈇

字雲銘
嘉善人

百字令

九日幽蘭禪院放生

秋容滿目正。雨絲洗淨寒山。一片塔影高懸。雲樹擁絕
頂遊人似雁。貝葉初翻。天花欲墜。彷彿仁王。甸白衣蒼
狗。悟來塵世都幻。漫說落帽風流。登臨選勝。爭詡題
糕健躡。屐梵宮閒坐久。愛聽泉聲飛濺。澤及蟲魚。想同
濠濮樂事。蒙莊羨前溪分手。疎鐘木葉吹斷。

錢永基

字獨臣
嘉善人

少年遊

送陳雲銘入都用美成體

花飛似雨送將春去更欲送王孫一抹斜陽馬嘶芳草
人渡綠楊村 舊遊幾載逢迎處湖海氣猶存若到長
安故人問我休道舌堪捫

朱邇邁

字人遠海
甯人諸生

千秋歲引

感舊

不斷啼鶯無邊穉柳有限風光總拖逗吳宮綺羅風雨
散西施妙舞空垂手虎邱花胥臺草幾回首 看煞芳
隄車馬驟聽煞玉樓笙歌奏可惜閒房獨相守歸期怎

憑青鳥信。淚痕枉溼紅衫袖。夢回時。雁歸後。思量不

顧文淵

字雪坡常熟人
有海粟集附詞

東風第一枝

游峽山用史梅溪韻

蕉雨晴初。榆煙禁後。晨光漸變。妍暖客邊些子。閒愁似
比春情較淺。看人笑語。喜路匝。薜蘿青軟。仗興來。陟徧
層岡。迨暮。權回歡燕。百五日。早驚轉眼。山水趣。旋開
生面。柳條遠帶鷗沙。竹徑暗通鹿苑。花梢零亂。瞥冒了。
風鳶殘線。莫近前。翠鬪羅衣。濃態隔林遙見。

俞

瑒

字犀月
吳江人

東風第一枝

借友游峽山次宋人韻

柔櫓衝煙晴波生縠輕風一路催暖曉容隱約雙鬢指
點兩山黛淺平燕渺渺也都似錦茵鋪軟問踏青女伴
誰家半綰鬢邊飛燕逢勝侶暫舒青眼更緩步輕攜
便面夾紗衫子新裁曾記杏花池苑春光穠冶偏繫徧
垂楊如線向酒闌檢點閒情早悔陌頭初見

蔡

燿

字遠士
嘉興人

東風第一枝

游峽山作次史梅溪韻

錦陌晴山詞仙酒舫春篙漫點波暖曉煙淡羃漁邨十
里紅深翠淺提壺勸飲漸處處莎田茵軟看飛飛幾剪
紅襟多是妝樓新燕過竹院俄驚倦眼遮歌扇漫窺

半面年年一度尋芳甚處倚桃舊苑畫船催去但剩得
柳陰垂線便歸來寫盡愁箋知有何人曾見

汪文楨

字周士
休甯人

東風第一枝

春日游峽山次韻

鳴綠平橋猩紅夾岸波光樹色交暖禁煙時節纔過春
事二分尙淺輕撓不點但穩坐半帆風軟望陰陰柳畔
妝樓盡捲湘簾招燕繫艇處晴峯照眼撲蝶去游絲
吹面秋千綵索閒來鄰女共尋曉苑爭新裙襪費多少
織針柔線儘夜歸分付清吟影倦一燈誰見

過羽宸

字鶴年
長洲人

東風第一枝

汪周士邀游峽山次史梅溪韻

峭挂孤帆遠尋雙岫溶溶漲水新暖鶯紅谿岸桃舒嫩
綠山村草淺層巒古寺映幾處垂楊輕軟一絲絲故拂
行人勾引小鶯嬌燕望大海登高放眼醜怪石掬泉
盪面朱闌斜綴長亭紅粉爭來法苑繡幡飄曳問越樣
誰家針線傍晚來羅襪凌波卻喜恁時窺見

黃

鴻字靜御
太倉人

搗練子

風點點雨絲絲攪亂芭蕉和竹枝隔箇窗兒聽不得淒
涼又是上燈時

俞蘭碩

字香阻邳州
人有團扇詞

眼兒媚

無端風雨到高樓，春思綿悠悠。
芙蓉帳挂，水晶簾捲，恰
好梳頭。落花可惜，無人惜，空自付東流。
傷心何恨紅衫搵淚，綠酒澆愁。

吳秉鈞

字珍青
山陰人

搗練子

風惻惻，雨濛濛，枕上愁聽午夜鐘。
明滅銀燈青似豆，一絲殘夢繞梧桐。

滿江紅

雨後望漢江新漲

幾片春雲輕染就一江新碧高樓下蒼茫萬頃光浮翠
壁鵲踏岸花紅有暈燕窺隄柳青無跡看南山影落彩
霞斜冰輪出微風起煩襟滌朱闌外誰家笛聽棹歌
聲在滄浪之側細數生時和雪縐洪濤卷處兼天白羨
漁舟釣叟把漁竿情偏適

聶鼎元

字汝調
仁和人

蘇幕遮

意縈縈情縷縷泥我嬌癡年紀才三五記得臨行攜手
語好箇春光忍便拋人去綠楊堤芳草路南陌東城
都是關心處今夜不須扃繡戶月暗花深或有香魂遇

施

樟

字呂授
婁縣人

鶯啼序

過顧將軍墓

郊原幾回登眺。又天涯日暮。看山麓、一簇松楸。饑鴉隊
隊爭赴。認三尺、斷碑斜卧。題名知是將軍顧。問英雄、勳
業如何。半坏荒土。野老相逢。爲話往昔。慨興衰、目睞
道當日、多少紅妝。畫樓寶帳深貯。厭重提、屯邊鐵甲。愛
競奏、新聲玉樹。鎮良宵、酒醞香濃。只愁天曙。池邊堤
畔。高駕銀橋。望翠樓如霧。珠簾底、鸚哥語悄。鸞鏡初開。
燕子飛回。鳴鑪微炷。銀箏按罷。玉壺敲缺。人生行樂他
休慮。卻誰知、蕙苴偏騰妒。鴛鴦瓦裂。霎時絃索塵封。荷

戈獨自西去。幸逢寬大匹馬南歸。感畢生虛度。只賸
得幾株疎柳。滿地平蕪。夕下牛羊。夜馳狐兔。朝雲早逝。
楊枝辭去。迴廊複室。今何在。算黃梁一夢。君知否。幾多
舊事新愁。付與沙汀。閒鷗冷鷺。

陳魯得

字曾超武進
人有棚園詞

西江月

秋葵

葉展輕分鸚綠。花開巧奪鸚黃。翩然風致道家妝。別是
箇人幽況。未慣高擎曉露。可憐倚盡殘陽。故將秋思
惱人腸。帶暝一枝斜向。

陸如昭

字電郊吳縣人
諳生有宛在軒詞

減字木蘭花

京口阻風

沂流西上便擬乘風真破浪悶坐扁舟五日江頭阻石
尤潤城酒美且酌金卮消塊壘屈指闡中道已秦淮
訪故宮

梅

洽字和叔長洲
人有紉蘭詞

摸魚兒

漏沈沈側身潛聽狂風門外初歇強偎角枕愁無寐何
事柔腸欲絕衾似鐵空負卻一庭花影三更月淒涼啼
鴉看蠟淚堆盤鑪煙裊幔離恨有千疊驚心處回首
璧人久闊音書不到天末分明西閣春寒夜吹出簫聲

嗚咽簾暗揭憶此際遷延微笑秋波瞥酒闌時節記日
射紅簷香銷翠被雙腕皓如雪

柯

煇

字惕聞嘉善
人有青翻詞

滿庭芳

雲

碧縷如煙素痕疑雪閒閒點綴長天翠漪浮動十里淡
晴川卻怪蘋風吹去些時斷恰又相連渾難定朝來踪
跡贏得楚王憐 當年巫峽裏驚回殘夢多少啼猿算
人閒羅縠難與爭妍莫是天孫織就攜來好濯向銀灣
還看取翠樓妝罷婀娜鬪新鬢

國朝詞綜補卷八

無錫丁紹儀杏舫輯

蔣觀光 一首

黎天性 一首

吳遵錫 一首

王一元 五首
補詞

阿克敦 一首

徐文駒 一首

蔣文瀄 一首

吳苑 一首

劉嵩齡 一首

蔣杲 一首

蔣恭棐 一首

謝道承 一首

潘眉 三首

張朱梅 二首

宗觀 一首

曹煥曾 一首

柯宗樸 二首

劉雷恆 一首

李 暉 一首

邵錫榮 二首
補詞

丁濟美 一首

吳啟袞 一首

李繼燕 二首

梁無技 一首

柯剛燦 二首

顧有年 二首

張光曙 一首

湯思孝 三首
補詞

林之枚 一首

石 洙 一首

蔣觀光 字子賓長洲人康熙四十年舉人榜姓張嘉定籍

水調歌頭 病馬

伯樂在何處深恥駑駘隨何心更戀棧豆低首淚雙垂

無復竹批耳峻。只有絲蟠尾脆。誰惜好龍媒。問齒老還
未。一病竟虺虺。秋高矣。朔風勁。獨鳴悲。曾無空關堪
騁。能不壯心灰。有日箭雲蹄健。依舊髀前汗血。匹練豈
難追。如彼駕轅下局。促亦何爲。

黎天性

字存齋。東莞人。康熙四十一年舉人。有雙桂堂集附詞。

花心動

新柳

暖意初融。灞橋邊。春光問誰能洩。纔卸杏妝。未解桃顏。
漸覺青回芳陌。眉痕淺淡。舒猶懶。似眠起。不勝嬌怯。怪
多事。流鶯來早。競相調舌。姿態依依似昔。可還記。長
亭幾番傷別。卻恐近來。一搦柔腰。不慣迎風低折。章臺

走馬人何處，休便把翠樓遮隔。待看取黃昏半籠煙月。

吳遵錡

字蓉裳，無錫人。康熙四十一年副貢。生官內江，知縣有奚囊存草，附詞。

鷓鴣天

夜泊京口

鐵甕城邊萬井開，寒潮日夜此潏洄。眼看北固還襟帶，事憶南朝盡草萊。帆乍卸，雁初回，一聲清磬妙高臺。榜人催醒殘更夢，颯颯長風動地來。

王一元

字晚仙，無錫人。康熙四十二年進士。榜姓吳，寄籍鐵嶺，官內閣中書，有芙蓉筋詞。

蝶戀花

鐵馬

輕脆琉璃剛徑寸，慣向虛簷弄盡。悠揚韻疑是簾鉤垂。未定勞他燕子，驚心認。旅館黃昏鄉夢近，薄醉醒來。

幾度西風緊月又朦朧燈又燼生生引起離人恨

感皇恩

記得出門時袂衣初御滿眼東風正飛絮雕鞍欲上兀
自依依軟語歸期何日是休教誤 忽聽疎砧又驚秋
暮冷落黃花澹無緒半簾殘月和著愁兒同住相思都
盡了休重鑄

金縷曲 蟬琴

雙翼憑誰鼓正朝來清風徐動清微淒楚抱葉孤踪偏
解愠吸盡泠泠微露任彈徹斜陽疎樹誰道廣陵今已
絕聽聲聲齊女冰絃苦好補入爨桐譜 悠揚餘韻還

頻度怡趁著嫩涼天氣移宮換羽流水高山應共賞
笛何能敵汝更休說鶯歌燕語卻訝曲終人不見遍高
枝遺蛻無尋處操未畢竟仙去

沁園春

睡燕

營罷新巢王謝堂前午風正微爲春光澹岩也如人倦
餘寒料峭嬾逐鴟啼學得鴛鴦迷他蛺蝶交頸雕梁暫
息機酣眠好喜纖塵不動穩稱雙棲 夢中猶自交飛
怪海國冥冥頃刻歸想烏衣巷口舊遊恍惚昭陽殿裏
往事依稀掠水還驚蹴花終幻可似邯鄲去路迷簾櫳
畔被鸚哥喚醒怨煞斜暉

百字令

馬櫻花

柔條翠葆看紛披似翦垂垂芳樹暮捲朝舒如有約好
傍小窗清暑怯不禁風嬌宜泣雨似有濃香度新秋近
也繁花忽綻千縷絕似揉碎紅絲帶將曉露綴向枝
頭去是葉是花渾不辨只辨淡紅攢處弱線空牽同心
欲縮愛煞停針女拈歸繡閣幾回錯認絨吐

阿克敦

字恆巖滿洲正藍旗人康熙四十八年進士
官協辦大學士諡文勤有德蔭堂集附詞

菩薩蠻

晚鴉如陣投林木影搖新月當窗竹轉側夢難成風聲
雜雁聲篆煙何寂寞冷葉空庭落回首憶芳踪蓬山

路幾重

徐文駒

字子文號丹崖鄞縣人康熙四十八年進士官懷仁知縣

巫山一段雲

古樹參差外。晴花爛漫中。黃鸝百轉畫橋東。雲鬢晚來鬆。錦幄霏煙細。珠簾倚翠重。淒涼往事露華濃。月下記相逢。

蔣文瀄

字虞友吳縣人康熙四十八年進士

飛雪滿羣山

外舅韓慕廬先生招飲寒碧齋卽席賦呈

玉潤何能冰清竟。幾年翹首瑤光。榮歸畫錦欣傾春。醞筩招陸海。潘江展裙陪末座。愜幽賞清談未央。坐花

吟月堪嘆小戶。不奈引杯長。眞醉矣。解衣還脫帽。恰
高齋寒碧。設有東牀。頭如容放。腹何妨坦。荷公久恕疎
狂。迭爲賓主好。約明日。筵開草堂。不時需酒。蘇家一斗
知久藏。

吳

苑

字十洲。泰興人。康熙五十年舉人。

十二時元夕

小窗幽。庭餘晴雪。天際蟾光交射。正滿路。笙歌無價。好
箇芳時良夜。中酒心情。懷人時候。且乞東風假。銅街畔。
青粉闌干。人立燈前。釵影衫痕如畫。記年時。鳳城踏
月。一片暗塵隨馬。樓外濃香。車邊俏影。十里珠簾下。只

國朝詩林卷之五
三
衣薰鬢氣。清芬兩袖曾惹。念誰在。瑤臺宴罷。黃柑籠
滿羅帕。弱水三千。瓊樓十二。好借長虹駕。鼇山知不遠。
他時海上須跨。

劉嵩齡

字三祝寶坻人康熙五十二年進士官編修

惜餘春慢

鄧尉山腰。吳王宮腳。草碧常聞啼鴉。廉纖穀雨。淡沲花
風。良夜更宜新月。遊舫中流放時。春漲平橋。一篙清絕。
記朱樓深處。銀箏輕撥。隔牆聽徹。嗟十載。驅馬長安。
湔裙挑菜。往事不堪重說。韶華過半。柳陌凝寒。怯把柔
條攀折。纔喜荒城卜居。青踏南原。閑隨蜂蝶。怕殘英笑

我尋芳遲也。滿林飛雪。

蔣

杲

字子遵長洲人康熙五十二年進士官廉州知府

滿江紅

攝篆潮州謁韓文公廟

誰謂先生伏光範似無骨氣且試想當年何事遠來斯
地佛骨苦爭忠國耳帝心怒貶遷官矣總如飴雪擁與
雲橫疇能比 潮陽郡原邊裔先生到扶凋傲看鱷魚
孚信也知遙避神享千年南國祀師推百世東坡記學
操刀醅酒拜階前靈無棄

蔣恭棐

字迪夫長洲人康熙六十年進士官編修

金縷曲

秋日從弟子宣招飲塔影園

斟酌橋邊路愛彎環滿園蒼翠淡煙平楚塔影亭亭林
樾杪一抹遙岑入戶是予季讀書佳處列坐銜杯丹桂
下嗅天香倒盡壺中醕還朗咏小山賦 慚余浪向花
磚步奈歸來荒蕪三徑難邀今雨空有頭銜冰樣冷無
力買將山住喜此地苔磯蔬圃卸了朝衫披獨速便從
君賃伴閒鷗鷺成一對五湖侶

謝道承

字古梅閩縣人康熙六十年進士
官禮部侍郎有小蘭陔詩集附詞

滿江紅

福州林素齋明初守濮州燕兵至不屈縛
高竿上射死妻亦抱譜自焚今崇祀不替

燕子南飛彈丸邑陣雲濃結誓獨把江淮遮遏臣心終
竭曹濮尙流嗚咽水金川俄濺糶糊血問何如睥睨供

高皇東藩鐵。危杆上雕翎。集烈焰裏。霓裳滅。看全宗。
報國臣貞婦。烈江荔盤中。丹血染山花。髻上紅蛇掣。歷
閩山四百有餘年。欽雙節。

潘

眉

字尊庵。宜興人。
官溲浦知縣。

永遇樂

癸丑上巳東溪修禊

錦纜籠沙。紅闌委浪。一碧無際。催暝鳩啼。尋香蝶杳。隔
浦春寒細。湔裙合節。偏將絲雨。添滿一川空翠。便任他。
冥濛浙瀝。只應恁時修禊。年年此日。酒痕花淚。零亂
俊游仙袂。水上麗人。山陰修竹。往事都休記。莫停歌板。
且偎紅袖。盛會幾番能繼。歸去也。明朝花下。問他晴未。

望湘人 江州曉渡

奈濤聲沸枕秋氣侵肌客魂鄉夢撩亂強起推篷輕舟
一葉已近潯陽江畔粉墜蓮房露啼柳眼愴然腸斷况
年來鬢漸生絲應識迷途未晚 回首江南秋半正古
香風醉新橙齒軟向花與楓林買盡溪山游讌誰知今
日棲棲遠道捉鼻漫誇不免偏驅去瘴雨蠻煙極目九
疑回雁

蝶戀花 清明日花下宴集

將煙做雨催寒食滿院花枝開向春無力幸有多情苔
蘚碧春泥未洗殘紅色 此景今年難再得呼取狂朋

好把春光惜簾外海棠愁思結不言不語胭脂溼

張朱梅

字培山南匯人官知縣有聽雨山房詞

沁園春

耳環

雪樣纖瓊巧縮低垂如侵玉樓愛明璫綴處彩燈般墜
紫磨研就眩月般鈎勻面窗前卸妝奩畔微費工夫脫
復勾菱花鏡照兩邊流睇慣是梳頭笑耐爲戲同游
共釵燕簪花顫未休看關情細聽雙懸不動敲肩密語
半面黏留閒整蝓蟻輕撩蟬鬢不道春尖偶意兜增嬌
媚恁難如瓊珞端正風流

又腕釧

憶過樓頭紅粉招時團圓袖閒想舞如迴雪雙枝旋轉
別來掩涕兩袂遮函子建裁詩仲宣作賦皓腕鍾情不
等閒曾摹擬似鏤空圓月解散連環移時擱在闌干
看肌上新痕隱隱丹怕未工懸筆頻磨繭紙每當倦枕
低壓雲鬟攀樹流光欠伸縱體微褪應知比帶寬閒窗
下任較量肥瘦頻約中關關脈爲中部

宗

觀

字鶴問江都人貢生官貴池教諭

風流子

初夏泛舟

春歸渾似客微雨過一霎又梅黃對瀟灑良朋暮杵游
戲風流少俊賦筆清揚且行樂山容如黛展水帶滌波

長歌板船開聲飄夾岸珠簾人隔影入垂楊 回思西
園夜曾幾度當筵搥鼓飛觴誰省狂奴故態轉盼蒼茫
歎重城燈散流鶯能說隔牆花落舞蝶猶香贏得舊歡
如夢無限悲涼

曹煥曾

字祖望上海人諸生官理藩院主事有長嘯軒詞

百字令

秋聲四起在高梧深處疎楊枝畔涼月穿簾風作線結
就愁痕一片眼底年光眉閒消息暗裏頻番換無邊幽
思只應訴與團扇 憶昔日暖窗櫺風吹鬢影朝暮常
爲伴不道人生離別易幾度魂銷腸斷寂寞羅幃淒涼

冰枕相對空嗟嘆輸他賓雁獨飛惟恐歸晚

柯崇樸

字寓範嘉喜人
貢生官中書

水調歌頭

同朱竹垞周青士登燕子磯

陡起宛如削壁立俯空濛波濤嚼嚙山足震蕩失魚龍
東下長江縈帶南指金陵蟠踞形勢屹然雄縹渺子亭
上疑是躡飛鴻攜俊侶閒騁望迴臨風山川迤邐無
盡長嘯碧天空塞雁汀鷗出沒楚柁吳檣歷亂都入暮
煙中試爲燃犀照應直瞰蛟宮

瑣窗寒

途次大雪

雲態飄揚風情搖蕩做成花片憑高試眺不覺遠山遮

徧看林臯瓊英亂飛幾回錯認梨花院想廣陵潮湧我
嶠月起銀河光漸堪嘆浮名絆笑一棹天涯孤征如
雁香溫繡閣誤卻謝庭芳宴問而今蘆荻滿洲可能得
似山陰岸只應同蓑笠衰翁獨釣寒江畔

百字令

梁溪道中月夜行舟

客游方倦奈金風纔動征衣吹徹欸乃聲中雲樹遠艇
子夜來猶發夕照沈輝織娥弄影眼界增空闊寒光如
許沁人懷抱清絕兼喜五兩帆輕飄飄輕泛衝破船
頭雪夾岸青山渾似染中瀉清溪一折更斷譙樓夢回
孤枕草際蛩吟咽渺然凝睇遠村漁火明滅

劉雷恆

字震修無錫人
諸生官訓導

百字令

早知離別悔當初一笑等閒心許自與雲英成閒隔回
首玉京迷路篋扇涼深機絲露溼冉冉三秋暮細蟬零
落斷腸一曲誰鼓就裏多少相思緘愁欲發祇欠歸
鴻度竟夕清砧將遠夢分付月明來去小影熏香新詩
斷帶觸著添愁緒寄聲安否此情惟感鸚鵡

李

暉

字闡成翻樂
人官知府

百字令

太白樓次蘇東坡韻

江樓如畫話當年曾駐錦袍人物三調清平高唱在那

數旗亭畫壁倚檻花明懸崖石峭眼底濤噴雪公餘懷
古一尊相酌才傑 幾度采石磯頭維舟眺覽逸興參
差發此地重來經信宿看足沙鷗明滅冉冉斜暉濛濛
遙岫樹影稠於髮掀髯孤嘯碧天飛上圓月

邵錫榮

字景垣仁和人貢生官
安義知縣有探酉詞

踏莎行

楊花

鶯眼迷雲蝦鬚貼地似棉似絮渾難理只因生性太輕
狂纔來忽去何容易 一抹斜陽半灣流水將沈還被
風吹起轉身又化作浮萍奈他一點心難死

戚氏

倚闌干。困人天氣作輕寒。多事東風。朝朝吹縷兩眉彎。
山丹已開殘。茶蘼深鎖半庭煙。子規知喚春去。不知早
喚遠人還。繡篋塵滿。寶奩釵折。羞看鏡裏孤鸞。恁梁閒
燕子。牆下蝴蝶。逐隊同眠。曾記藕葉如錢。臨去親說。
歸到賞紅蓮。誰知道。蓮心本苦。絲斷難牽。念春蠶。枉自
到死纏綿。最惜似水華年。啼教淚盡。痛到腸枯。惟有暗
暗呼天。鎮日思量徧。想由孽重。合被愁煎。已分和愁
共老。怪高樓皓月。故團圓。奈何新恨頻添。寄聲不達棄
擲如秋簞。把舊時。無準魚書檢。都一一。燒向燈前。也只
拚憔悴紅顏。縱調脂弄粉。更誰憐。語韋郎道。玉環猶在。

再結良緣。

丁濟美

字筠皋無錫人
官壽州訓導

搗練子

殘臘盡暖風吹山縣迎春錦作堆路阻香車行不得蓮
鈎自踏麴塵來

吳啟袞

字匡期號山補
歸安人官訓導

多麗

錦泉先生招遊北湖卽席用柳韻

弄秦簫教人何處停橈趁平川雨吹雲散采虹駕作飛
橋清溪裏草迷渡口寒塘外水浸峯腰柳葉初黃蘆花
漸白愁心到此自搖搖那知有蓮房浥露隔岸正含嬌

無情是淩波。仙子著意魂銷。快清游花光入畫，何妨
燭翦三條。梁州序歌喉雲邊霓裳舞綵袖，風招面似芙蓉。
花還解語，尊前能得幾良宵。且休管悲哉秋氣歸計。
轉無聊。早拚得碧筩狂飲，臉暈紅潮。

李繼燕

字駿詒東莞人貢生官
松陵知縣有搨花亭詞

訴衷情

雙漿江上閒眺望。柳煙疎。天欲雨。歸去泊菰蒲。收網待
行沽。嗚嗚空山啼鷓鴣。斷腸無。

生查子

無語倚雕闌。獨佩同心結。隔院響秋砧。敲碎梧桐月。

憶昨理征衫繡線重重綴不合惹相思只悔經年別

梁無技

字王願番禺人貢生有南樵集附詞

金縷曲

寄蒲衣子

不見蒲衣子歎無端殘春已過魚書難寄聽說相如多
病後四壁空懸綠綺算世上知音有幾努力加餐高臥
穩想人閒埋恨終無地離別久飽憔悴幽蘭露寫相
思字問年時西陵蘇小同心縮未猶憶南湖秋月夜幾
度蘭橈共倚悵一霎搏沙散易莫度王郎金縷曲恐芙
蓉一夜愁紅死魂夢遠繞江水

柯剛燦

字斗威嘉興人有蓉笙詞

月華清

西湖夜泛

山翠沾衣。水萍凝棹。畫船多半回去。淡淡斜陽。引我遊
情如許。見若遠若近。晴嵐映將紅。未紅楓樹。隨處有跳
波游鯉。浴沙幽鷺。一霎鐘聲催暮。任橫玉樓頭。漫傷
情緒。粉壁紅亭。迤邐儘堪題句。攜俊侶。嗚月回雲。盡餘
興。停杯起舞。無據。算風流往事。斷霞零露。

月下笛

何處樓頭。一聲寥亮。費人清淚。珍珠簾底。可是石家舊
歌吹。依稀纔度東牆遠。卻宛轉。吹殘流水。料斜橫粉靨。
那人猶在梅花香裏。傾耳清如此。想翠竹經霜。正欺

寒袂關山萬里。沙邊落雁驚起。江雲凍合淒涼月。問憶
著韶華曾未。纔三弄。又還停。誰識桓伊幽思。

顧有年

字嚮中
錢塘人

南歌子

寂寂梨花冷。茫茫柳絮吹。瑣窗人倦怕鶯啼。一任香雲
堆枕溜銀兒。

江城子

雨中憶梅

隴頭音斷暮雲重。憶芳容。亂情棕。啼鳥多情。花外罵東
風。爲甚吹殘林下月。又吹到。雨濛濛。畫橋煙雨玉枝
空。淚痕濃。掩簾櫳。誰解憐花真箇瘦。如儂點點飛來都

似雪休吹向笛聲中

張光曙

字淇園江南華亭人有硯北詞

浣溪紗

風颭湘簾燕未還
一丸明月占朱闌
綠楊飄影繡重垣
羅袂籠時金釧暖
鳳裙垂處玉弓寒
寂寥庭院海棠殘

湯思孝

字次曾宜興人

踏莎行

屋角風尖房櫺曛短
寒衣補綻催針線
天吳紫鳳拆憑
伊賸好鴛鴦休錯剪
黑月霾低碧紗愁
掩燈添紅暈

綿裝繭倩他排遣過黃昏永夜沈沈天不管

蘇武慢

雪夜宿穎川上人精舍聽易人吳子操雁落平沙有感用放翁體

簷瓦霜華蒲團佛火一夜清光漾滿飄梅送韻繞夢增
愁何處離魂天半沙磧雲深衡陽煙渺譜盡關山哀怨
任移宮變徵聲高調苦促教絃斷轉自忖老去無家
稻梁謀晚真似驚棲蘆雁紙牖空閉鐵被難溫冷落冰
心一片除是禪那能消煩惱卻早雪深迦院儘盤跚起
舞何堪重撫祖生雄劔

蘭陵王

曲阿張煉庵持其祖前明死事南冢宰赤函先生諱捷所遺米襄陽藏硯徵咏因賦

此解

痛疇昔輕把金甌浪擲東南裏
雲漢頓傾煉盡媧灰賸
殘壁端溪留舊蹟須識臣貞匪石凝眸處紫氣青紋寒
噴萋宏血痕碧 追思更悽惻嘆恨事宜和憑向誰說
雀臺鴛瓦增悲颯知几帛題句汗青留照猶堪蘸筆哭
蒼頡玉壺早同缺 手澤共珍惜節義貽謀慈孝承
烈流芳再振千秋業看壯志磨盾苦心穿鐵遺徽如在
球與貝儼並列

林之枚

字文木
秀水人

鶯啼序

春游

春眠被誰驚醒訝黃鶯啼早簾開處快拂花梢翩然又

度林杪憑高閣遙看雲際蒼茫黛色晴山曉向城南游
賞芳霏麗人多少 扇製齊紈帶繫蜀錦更衫裁吳縞
映仙袂風外徐飄珠塵輕拂如掃望平原蘼蕪綠徧正
繫念王孫未了喜穠桃夾岸繽紛漁舟不到 依依路
柳孕絮垂絲向風前閒裊最可愛輕煙凝處淺碧微顰
落盡飛來亂紅含笑繡幃人靜畫闌誰倚數聲紫燕梁
閒噪恰雙鸞羅襪行來悄淩波微步苔痕一徑斜分幾
多情思縈繞 堪憐嬌困欲換綃衣怪春寒尙峭卻見
說檀奴此日斗酒雙柑促坐醞瓊風流妍好餘酣未醒
踏青歸晚朱樓十里笙歌起漸平沙遠岫銜殘照不妨

且繫青驄漫結同心去尋蘇小

石

伊

字月川如皋人
諸生有躑躅詞

滿庭芳

繡袖銷紅綾裙研碧朝來悶倚雲屏修蛾曼睩凝望不
勝情望裏遙山縹緲花簪落倭墮縱橫回頭見雙鬢昵
語徐按小銀箏淒清妝鏡畔聲聲別雁噤噤流鶯更
鈿蟬輕撥鐵騎爭鳴彈到哀絃欲斷雕軒外明月晶熒
魂飛處撩情引恨清淚背人傾